

四庫全書

史部

欽定四庫全書

史部

浙江通志卷二百七十四

詳校官給事中臣戴璐

檢討臣德生覆勘

總校官編修臣倉聖脉

校對官助教臣胡子襄

謄錄監生臣崔堂

欽定四庫全書

浙江通志卷二百七十四

藝文十六

詩 五言律

送楊道士往天台

唐 張九齡

鬼谷還成道天台去學仙
行應松子落留與世人傳
此地烟波遠何時羽駕旋
當頭一把袂城郭共依然

寄天台司馬先生

唐 崔湜

聞有三元客
祈仙九轉成
人間白雲返
天上赤龍迎
尚惜金芝晚
仍攀琪樹榮
何年緱嶺上
一謝洛陽城

送劉少府遊越州

唐駱賓王

一邱余枕石
三越爾懷鉛
離亭分鶴蓋
別岸指龍川
露下蟬聲斷
寒來雁影連
如何溝水上
悽斷聽離弦

春日登金華觀

唐陳子昂

白玉仙臺古
丹邱別望遙
山川亂雲日
樓榭入烟霄
鶴舞千年樹
虹飛百尺橋
還疑赤松子
天路坐相邀

寄天台司馬道士

唐張說

世上求真客天台去不還傳聞有仙要夢寐在茲山朱
闕青霞斷瑤堂紫月閒何時枉飛鶴笙吹接人間

婺州留別鄧使君

唐張循之

西掖馳名久東陽出守時江山婺女分風月隱侯詩別
恨雙溪急留歡五馬遲迴舟映沙嶼未遠剩相思

剡谿館聞笛

唐丁仙芝

夜久聞羌笛寥寥虛客堂山空響不散谿靜曲宜長草

木生邊氣城池泛夕涼
虛然異風出髣髴宿平陽

送蘇倩遊天台

唐張子容

靈異尋滄海笙歌訪翠微
江鷗迎共狎雲鶴待將飛
琪

樹嘗仙果瓊樓試羽衣
遙知神女問獨怪阮郎歸

泛永嘉江日暮迴舟

唐張子容

無雲天欲暮輕鷗大江清
歸路烟中遠迴舟月上行
傍
潭窺竹暗出嶼見沙明
更值微風起乘流絲管聲

永嘉即事寄贛縣袁少府瓘

唐張子容

山繞樓臺出谿通里閉斜曾為謝客郡多有逐臣家海
氣朝成雨江天晚作霞題書報賈誼地濕似長沙

奉和崔司馬遊雲門寺

唐孫逖

繫馬清谿樹禪門春氣濃香臺花下出講座竹間逢覺
路山童引經行谷鳥從更言窮寂滅回策上南峯

酬萬八賀九雲門下歸溪中作

唐孫逖

晚從靈境出林壑曙雲飛稍覺清溪近回瞻晝剝微獨
園餘興在孤檣宿心違更憶登攀處天香滿袖歸

送邱為落第歸江東

唐王維

憐君不得意，况復柳條春。
為客黃金盡，還家白髮新。
五湖三畝宅，萬里一歸人。
知爾不能薦，羞稱獻納臣。

寄鏡湖朱處士

唐李頎

澄霽晚流澗，微風吹綠蘋。
鱗鱗遠峯見，淡淡平湖芳。
草日堪把白雲心，所親何時可為樂。
夢裏東山人。

若耶溪逢孔九

唐李頎

相逢比溪曲，託勝在烟霞。
潭影竹間動，巖陰簷外斜。
人

言上皇代犬吠武陵家借問淹留日春風滿若耶

送少微上人遊天台

唐
劉長卿

石橋人不到獨往更迢迢乞食山家少尋鐘野路遙松
門風自掃瀑布雪難消秋夜聞清梵餘音逐海潮

却歸睦州至七里灘下作

唐
劉長卿

南歸猶謫宦獨上子陵灘江樹臨洲晚沙禽對水寒山
開斜照在石淺亂流難惆悵梅花發年年此地看

送宣尊師醮畢歸越

唐
劉長卿

吹簫江上晚惆悵別茅君踏火能飛雪登山入白雲晨
香長日在夜磬滿山聞揮手桐溪路無情水亦分

送睦州孫沅歸句章新營所居

唐 劉長卿

故里歸成客新家去未安詩書滿蝸舍征税及漁竿火
種山田薄星居海島寒憐君不得已步步別離難

送齊郎中典括州

唐 劉長卿

星象移何處旌麾獨向東勸耕滄海畔聽訟白雲中樹
色雙溪合猿聲萬嶺同石門康樂住幾里挂帆通

送崔處士先適越

唐 劉長卿

山陰好雲物，此去又春風。
越鳥聞花裏，曹娥想鏡中小。
江潮易滿萬井水，皆通徒羨扁舟客。
微官事不同。

雲門寺訪靈一上人

唐 劉長卿

所思勞日夕，惆悵去西東。
禪客知何在，春山到處同。
獨行殘雪裏，相見白雲中。
請近東林寺，窮年事遠公。

送李評事遊越

唐 劉長卿

未習風塵事，初為吳越遊。
露霑湖色曉，月照海門秋。
梅

市人何在蘭亭水尚流西陵待潮處落日滿扁舟

宿永嘉江寄山陰崔少府國輔

唐

孟浩然

我行窮水國君使入京華相去日千里孤帆天一涯卧
聞海潮至起視江月斜借問同舟客何時到永嘉

江上寄山陰崔少府國輔

唐

孟浩然

春堤楊柳發憶與故人期草木本無意榮枯自有時山
陰定遠近江上日相思不及蘭亭會空吟祓禊詩

寄天台道士

唐

孟浩然

海上求仙客三山望幾時
焚香宿華頂裊露采靈芝
屣躡莓苔滑將尋汗漫期
倘因松子去長與世人辭

與杭州薛司戶登樟亭作

唐孟浩然

水樓一登眺半出青林高
幕帝英僚敞芳筵下客叨
山藏伯禹穴城壓伍胥濤
今日觀溟漲垂綸學釣鼇

永嘉上浦館逢張八子容

唐孟浩然

逆旅相逢處江村日暮時
衆山遙對酒孤嶼共題詩
解宇鄰蛟室人烟接島夷
鄉園萬餘里失路一相悲

對酒憶賀監二首

唐
李白

太子賓客賀公於長安紫極宮一見余呼余為謫仙人因解金龜換酒為樂歿後對酒悵然有懷而作是詩

四明有狂客風流賀季真長安一相見呼我謫仙人昔好杯中物翻為松下塵金龜換酒處却憶淚沾巾狂客歸四明山陰道士迎勅賜鏡湖水為君臺沼榮人亡餘故宅空有荷花生念此杳如夢淒然傷我情

送任郎中出守明州

唐岑參

罷起郎官草初分刺史符城邊樓枕海郭裏樹侵湖郡
政旁連楚朝恩獨借吳觀濤秋正好莫不上姑蘇

登天目山作

唐張萬頃

去歲離秦望今冬使楚關淚添天目水髮變海頭山別
母烏南逝辭兄雁北還宦遊偏不樂長為憶慈顏

送嚴維歸越州

唐李嘉祐

艱難只用武歸向淞河東松雪千山暮林泉一水通鄉

心緣綠草野思看青楓春日偏相憶裁詩寄剡中

至七里灘作

唐李嘉祐

遷客投於越臨江淚滿衣獨隨流水遠轉覺故人稀萬
木迎秋序千峯駐晚暉行舟猶未已惆悵暮潮歸

送越州辛法曹之任

唐李嘉祐

但能一官適莫羨五侯尊山色垂趨府潮聲自到門緣
塘剡溪路映竹五湖村王謝登臨處依依今尚存

烏程水樓留別

唐皇甫曾

悠悠千里去惜此一尊同
客散高樓上帆飛細雨中山
程隨遠水楚思在青楓共說
前期易滄波處處同

送著公歸越

唐

皇甫曾

誰能愁此別到越會相逢
長憶雲門寺門前千萬峯
石牀埋積雪山路倒枯松
莫學白居易無人知去蹤

送崔功曹赴越

唐

高適

傳有東南別題詩報客居
江山知不厭州縣復何如
莫恨吳歛曲嘗看越絕書
今朝欲乘興隨爾食鱸魚

早發東陽

唐錢起

信風催過客，早發梅花橋。
數鴈起前渚，千艘爭便潮。
將隨浮雲去，日借故山遙。
惆悵烟波末，佳期在碧霄。

會稽秋晚奉呈于太守

唐張繼

寂寂訟庭幽，森森戟戶秋。
山光隱危堞，湖色上高樓。
禹穴探書罷，天台作賦遊。
雲浮將越客，歲晚共淹留。

題嚴陵釣臺

唐張繼

舊隱人如在，清風亦似秋。
客星沈夜壑，釣石俯春流。
鳥

向喬枝聚魚依淺瀨遊古來芳餌下誰是不吞鉤

送金華王明府

唐
韓翃

縣舍江雲裏心閒境又偏家貧陶令酒月俸沈郎錢黃
蘗香山路青楓暮雨天時聞引車騎竹外到銅泉

徐侍郎素未相識時攜酒命饌兼命諸詩客同訪

會稽山居

唐
秦系

忽道仙翁至幽人學拜迎華簪窺甕牖珍味代藜羹洗
硯魚仍戲移樽鳥不驚蘭亭琴叙却會此越中營

酬王侍御西陵渡見寄

唐嚴維

前年萬里別昨日一封書
郢曲西陵渡秦官使者車
柳塘薰晝日花水溢春渠
若不嫌雞黍先令掃敝廬

崇德道中

唐戴叔倫

暖日菜心稠晴烟麥穗抽
客心雙去翼歸夢一扁舟
廢塔巢雙鶴長波漾白鷗
關山明月到愴惻十年遊

題橫山寺

唐戴叔倫

偶入橫山寺湖山景最幽
露涵松翠濕風湧浪花浮
老

衲供茶盃斜陽送客舟自緣歸思促不得更遲留

婺州路別錄事

唐戴叔倫

府中相見少江上獨行遙會日起離恨新年別舊寮春
雲猶伴雪寒渚未通潮回首羣山暝思君轉寂寥

寄天台秀師

唐司空曙

天台瀑布寺傳有白頭師幻跡示羸病空門無住持雪
晴看鶴去海夜與龍期永願親銜屨呈功得問疑

送侯山人赴會稽

唐崔峒

仙客辭蘿月東來就一官且歸滄海住猶向白雲看
援
叫江天暮蟲聲野浦寒時遊鏡湖裏為我把漁竿

送薛良史往越州謁從叔

唐崔峒

辭家年已久與子分偏深易得相思淚難為欲別心
孤
雲隨浦口幾日到山陰遙想蘭亭下清風滿竹林

富陽南樓望浙江風起

唐張南史

南樓渚風起樹杪見滄波稍覺征帆上蕭蕭暮雨多
沙
洲殊未極雲水更相和欲問任公子垂綸意若何

西陵懷靈一上人兼寄朱放

唐張南史

淮海風濤起江關憂思長同悲鵲繞樹獨坐雁隨陽山
晚雲藏雪汀寒月照霜由來濯纓處漁父愛滄浪

寄靜虛上人初至雲門

唐張南史

寒蹤白雲裏法侶自提攜竹徑通城下松門隔水西方
同沃洲去不似武陵迷髻心疑處高峯是會稽

經故賀賓客鏡湖道士觀

唐朱放

已得歸鄉里逍遙一外臣那隨流水去不待鏡湖春雪

裏登山屐林間漉酒中空餘道士觀誰是學仙人

送嚴紳遊蘭溪

唐武元衡

剡嶺窮邊海君遊別嶺西暮雲秋水闊寒雨夜猿啼地
僻秦人少山多越路迷蕭蕭驅匹馬何處是蘭溪

送寇侍御司馬之明州

唐武元衡

斗酒上河梁驚魂去越鄉地窮滄海闊雲入剡山長蓮
唱蒲萄熟人烟橘柚香蘭亭應駐楫今古共風光

送吳侍御司馬赴台州

唐武元衡

盧耽佐郡遙川陸共迢迢風景輕吳會文章變越謠烟
林繁橘柚雲海浩波潮余有靈山夢前君到石橋

送台州崔錄事

唐 權德輿

不嫌臨海遠微祿代躬耕古郡紀綱職扁舟山水程詩
因琪樹麗心與瀑泉清盛府知音在何時薦政成

送上虞縣丞

唐 權德輿

越郡佳山水菁江接上虞計程杭一葦試吏佐雙鳧雲
壑窺仙籍風謠驗地圖因尋黃絹字為我弔曹盱

送盧評事婺州省觀

唐 權德輿

知向東陽去晨裝見綵衣
客愁青眼別家喜玉人歸
漠漠水烟晚蕭蕭楓葉飛
雙溪泊船處候吏拜胡威

富陽陸路

唐 權德輿

又入亂峯去遠程殊未歸
烟蘿迷客路山果落征衣
敬石臨清淺晴雲出翠微
漁潭明夜泊心憶謝玄暉

送越客

唐 張籍

見說孤帆去東南到會稽
春雲剡溪口殘月鏡湖西
水

鶴沙邊立山巖竹裏啼謝家曾住處烟洞入應迷

舟行寄李湖州

唐張籍

客愁無次第川路重辛勤藻密行舟澀灣多轉楫頻薄
遊空感惠失計自憐貧賴有汀洲句時時慰遠人

送朱慶餘及第歸越

唐孟郊

東南歸路遠幾日到鄉中有寺山皆遍無家水不通湖
聲蓮葉雨野氣稻花風州縣知名久爭邀與客同

代杭民答樂天

唐元稹

翠幕籠斜日朱衣儼別筵管弦淒欲罷城郭望依然路
溢新城市農開舊廢田春坊幸無事何惜借三年

郡樓夜宴留客

唐白居易

北客勞相訪東樓為一開褰簾待月出把火看潮來豔
聽竹枝曲香傳蓮子杯寒天殊未曉歸騎且遲迴

宿竹閣

唐白居易

晚坐松簷下宵眠竹閣間清虛當服藥幽獨抵歸山巧
未能勝拙忙應不及閒無勞別修道即此是元關

湖亭晚歸

唐白居易

盡日湖亭卧心閒事亦稀起因殘醉醒坐待晚涼歸
松雨飄藤帽江風透葛衣柳堤行不厭沙軟絮霏霏

孤山寺遇雨

唐白居易

拂波雲色重灑葉雨聲繁水鷺雙飛起風荷一向翻
空濛連北岸蕭颯入東軒或擬湖中宿留船在寺門

宿天竺寺

唐白居易

野寺經三宿都城復一還家仍念婚嫁身尚繫官班
蕭

灑秋臨水沈吟晚下山長閒猶未得逐日且偷閒

別州民

唐白居易

耆老遮歸路壺漿滿別筵甘棠無一樹那得淚潛然稅
重多貧戶農饑足旱田唯留一湖水與汝救凶年

杭州郡齋南亭

唐姚合

符印懸腰下東山不得歸獨行南北近老去往還稀
迸笋侵窗長驚蟬出樹飛田田池上葉長是使君衣

杭州官舍即事

唐姚合

臨江府署清閒卧復閒行苔蘚疎塵色梧桐出雨聲漸
除身外事暗作道家名更喜仙山近庭前藥自生

早春越中留故人

唐周賀

此行經歲近唯約半年迴野渡人初過前山雲未開鴈
羣逢曉斷林色映川來清夜蘆中客嚴家舊釣臺

送張諲之睦州

唐周賀

遙憶新安舊扁舟往復還淺深看水石來往逐雲山到
縣餘花在過門五柳閒東征隨子去俱隱薜蘿間

送袁肇歸山陰

唐鄭巢

論文意有違寒雨灑行衣南渡久誰語後吟今獨歸河
帆因樹落沙鳥背湖飛若值雲門侶多因宿翠微

送僧歸富春

唐鄭巢

憶過僧禪處遙山抱竹門古房關蘚色秋徑掃潮痕石
淨聞泉落沙寒見鶴翻終當從此望更與道人言

宿天竺寺

唐鄭巢

暮過潭上寺獨宿白雲間鐘磬遙連樹星河半隔山石

中泉暗落松外戶初關却憶終南裏前秋此夕還

思越州山水寄朱慶餘

唐章孝標

窗戶潮頭雪雲霞鏡裏天島桐秋送雨江艇暮搖烟藕
折蓮芽脆茶挑茗眼鮮還將歐冶劍更淬若耶泉

天台晴望

唐李敬方

天台十二旬一片雨中春林果黃梅盡山苗半夏新陽
烏晴展翅陰魄夜飛輪坐冀無雲物分明見北辰

經杭州

唐顧非熊

郡郭遶江濱人家近白雲晚濤臨檻看夜艣隔城聞浦
轉山初盡虹斜雨未分有誰知我意心緒逐鷗羣

送杭州姚員外

唐 顧非熊

浙江江上郡楊柳到時春
塹起背城雁帆分向海人
嶠雲侵寺吐汀月隔樓新
靜理更何事還應詠白蘋

蘇小小墓

唐 張祜

漠漠窮塵地蕭蕭古樹林
臉濃花自發眉恨柳長深
夜月人何待春風鳥為吟
不知誰共穴徒願結同心

題樟亭

唐
張祜

曉霽憑虛檻雲山四望通
地盤江岸絕天映海門空
樹色連秋靄潮聲入夜風
年年此光景催盡白頭翁

題海鹽南館

唐
張祜

故人營此地臺館尚依依
黑夜山魈語黃昏海燕歸
舊陰蕉葉在殘雨槿花稀
無復南亭賞高簷紅燭輝

夕次桐廬

唐
張祜

百里清溪口扁舟此去過
晚潮風勢急寒葉雨聲多
戍

出山頭鼓樵通竹裏歌不堪無酒夜迴首夢烟波

題餘杭縣龍泉觀

唐

張祐

四迴山一面臺殿已嵯峨中路見山遠上方行石多天
晴花氣漫地煖鳥音和徒漱葛仙井此生其奈何

秋夜宿靈隱寺師上人居

唐

張祐

月色荒城外江聲野寺中貧知交道薄老信釋門空露
葉凋堦蘚風枝戛井桐不妨無酒夜閒話值生公

送僧遊溫州

唐

朱慶餘

夏滿隨所適江湖非繫緣
卷經離嶠寺隔葦上秋船
水落無風夜猿啼欲雨天
石門期獨往謝守有遺篇

睦州四韻

唐杜牧

州在釣臺邊溪山實可憐
有家皆掩映無處不潺湲
好樹鳴幽鳥晴樓入野烟
殘春杜陵客中酒落花前

夜泊桐廬先寄蘇臺盧郎中

唐杜牧

水檻桐廬館歸舟繫石根
笛吹孤戍月犬吠隔溪村
十載違清望幽懷未一論
蘇臺菊花節何處與聞樽

晚泊七里灘

唐許渾

天晚日沉沉，歸舟繫柳陰。
江村平見寺，山郭遠聞砧。
樹密猿聲響，波澄雁影深。
榮華暫時事，誰識子陵心。

九日登樟亭驛樓

唐許渾

鱸膾與蓴羹，西風片席輕。
潮回孤島晚，雲斂衆山晴。
丹羽下高閣，黃花垂古城。
因秋倍多感，鄉樹接咸京。

天竺寺題葛洪井

唐許渾

羽客鍊丹井，井留人已無。
舊泉青石下，餘甃碧山隅。
雲

朗鏡開匣月寒冰在壺仍聞釀仙酒此水過瓊醪

送客歸蘭溪

唐許渾

花下送歸客路長應過秋暮隨江鳥宿寒共嶺猿愁衆
水喧巖瀨羣峰抱沈樓因君幾南望曾向此中遊

舟次武林寄天竺僧無畫

唐許渾

谿長山幾重十里萬株松秋日下丹檻暮雲歸碧峰樹
棲新放鶴潭隱舊降龍還在孤舟宿卧聞初夜鐘

越中寺居

唐趙嘏

遲客疎林下斜溪小艇通野橋連寺月高竹半樓風水
靜魚吹浪枝間鳥下空數峰相向綠日夕郡城東

寄富春縣路處士

唐 項 斯

平生醉與吟誰是見君心上國一歸去滄江閒至今鐘
鯨秋寺近峰濶晚濤深疎放長如此何人長得尋

杭州江亭留題

唐 項 斯

處處日馳銷憑軒夕似朝漁翁聞鼓擢沙鳥戲迎潮樹
間津亭密城連塢寺遙因誰報隱者向此得耕樵

寄剡中友人

唐馬戴

故人今在剡秋草意如何
嶺暮雲霞雜潮迴島嶼多
沃洲僧幾訪天姥客誰過
歲晚偏相憶風生隔楚波

題鏡湖野老所居

唐馬戴

湖裏尋君去樵風往返吹
樹喧巢鳥出路細葑田移
漚
苧成魚網枯根是酒卮
老年唯自適生事任羣兒

送天台僧

唐賈島

遠夢歸華頂扁舟背岳陽
寒蔬脩淨食夜浪動禪牀
雁

過孤峰曉猿啼一樹霜身心無別念餘習在詩章

喜姚郎中自杭州迴

唐賈島

路多楓樹林累日泊清陰來去泛流水脩然適此心一
披江上作三起月中吟東省期司諫雲門悔不尋

贈越僧岳雲二首

唐溫庭筠

世機消已盡巾屨亦飄然一室故山月滿瓶秋澗泉禪
菴過微雪鄉寺隔寒烟應共白蓮客相期松桂前

蘭亭舊都講今日意如何有樹闔深院無塵到淺莎僧

居隨處好人事出門多不及新春雁年年鏡水波

越中行

唐
李頻

越國臨滄海芳洲復暮晴湖通諸浦白日隱亂峰明野
宿多無定間遊竟有情天台聞不遠終到石橋行

明州江亭夜別段秀才

唐
李頻

離亭向水開時候復蒸梅霹靂燈燭滅薰葭風雨來京
關誰共語海嶠不同迴莫為尊鱸美天涯滯爾才

送僧入天台

唐
李頻

一錫隨緣赴天台又去登長亭舊別路落日獨行僧夜
燒山何處秋帆浪幾層他時授巾拂莫為老無能

送台州唐興陳明府

唐李頻

見說海西隅山川與俗殊宦遊如不到仙分即應無瀑
布當公署天台是縣圖遙知為吏去有術字惇孤

送顧陶校書歸錢塘

唐儲嗣宗

清苦月偏知南歸瘦馬遲索輕緣換酒髮白為吟詩水
色西陵渡松聲伍相祠聖朝思直諫不是挂冠時

寄永嘉崔道融

唐司空圖

旅寓雖難定乘閒是勝遊
碧雲蕭寺霽紅樹謝邨
秋戍鼓和潮暗船燈照島幽
詩家多滯此風景似相留

旅次錢塘

唐方干

此地似鄉國堪為朝夕吟
雲藏吳相廟樹引越山禽
潮落海人散鐘遲秋寺深
我來無舊識誰見寂寥心

暮發七里灘夜泊嚴光臺下

唐方干

一瞬即七里箭馳猶是難
檣邊走嵐翠枕底失風湍
但

訝猿鳥定不知霜月寒前賢竟何益此地誤垂竿

題雪竇禪寺

唐方干

飛泉濺禪石餅注亦生苔海上山不淺天邊人自來長
年隨檜栢獨夜任風雷獵者聞疎磬知師入定迴

秋日富春江行

唐羅隱

遠岬平如翦澄江靜似鋪紫鱗仙客馭金艗李衡奴冷
疊羣山潤清涵萬象殊嚴陵亦高見歸卧是良圖

望杭州城

唐鄭谷

漠漠江天外，登臨返照間。
潮來無別浦，木落見他山。
沙鳥晴飛遠，漁人夜唱閒。
歲窮歸未得心，逐片帆還。

題越州法華寺

唐 吳融

寺在五峰陰，穿緣一徑尋。
雲藏古殿暗，石護小房深。
宿鳥連僧定，寒猿應客吟。
上方應見海，月出試登臨。

婺州水館重陽日作

唐 韋莊

異國逢佳節，憑高獨苦吟。
一杯今日醉，萬里故園心。
水館紅蘭合，山城紫菊深。
白衣雖不至，鷗鳥自相尋。

晚泊富春寄友人

唐 喻坦之

江鐘寒夕微江鳥望巢飛木落山城出潮生海擢歸獨
吟霜島月誰寄雪天衣此別三千里關西信更稀

送章謁少卿提舉洞霄宮

宋 趙抃

秘館紅塵外瑤京白日邊樽中不空酒琴面已無絃曉
上朝真閣春耕負郭田優游大自在何處更神仙

送馬廷評之餘姚

宋 梅堯臣

越鄉知勝楚君去莫辭遙曉日魚蝦市新霜橘柚橋河

流通海道山井應江潮近邑逢鷗鳥先應避畫橈

赴雲任君有詩相送仍懷舊賞因次其韻

宋
梅堯臣

湖山饒邃處曾省牧之遊雁落葑田濶船過菱渚秋野
烟昏古寺波影動危樓到日尋題墨猶應舊壁留

送崔主簿赴睦州清溪

宋
梅堯臣

舟輕不畏險逆上子陵灘七里峽天翠千重雲木寒古
祠鳴野鳥亂石激春湍正與高懷愜寧歌行路難

任適尉烏程

宋梅堯臣

俛作程鄉尉折腰還自甘卞峰晴照黛雲水曉澄藍葑
上春田闢蘆中走吏參到時蘋葉長柳暉在江南

上湖間泛艤舟石函因過下湖小墅

宋林逋

平皋望不極雲樹遠依依及向扁舟泊還尋下瀨歸青
山連石埭春水入柴扉多謝提壺烏留人到落暉

西湖舟中值雪

宋林逋

浩蕩彌空濶，霏霏接水濱。
舟移忽自却，山近未全分。
凍軫間清泛，溫鑪擁薄熏。
悠然詠招隱，何許款離羣。

湖山小隱

宋
林逋

猿鳥分清絕，林蘿擁翠微。
步穿僧徑出，肩搭道衣歸。
水墅香醪熟，烟崖早笋肥。
功名無一點，何用更忘機。

園井夾蕭森，紅芳墮翠陰。
畫巖松鼠靜，春塹竹雞深。
歲課非無朮，家藏獨有琴。
願原遺事在，千古壯閒心。

北山寫望

宋
林逋

晚來山北景圖畫亦應非
村路飄黃葉人家濕翠微
樵當雲外見僧向水邊歸
一曲誰橫笛蕪葭白鳥飛

送張宣義之官越幕

宋王安石

會稽遊宦鄉海物錯句章
土潤箭萌美水甘茶串香
今君誠暫屈他日恐難忘
惟有西興渡靈胥或怒張

過餘杭白塔寺

宋范仲淹

登臨江上寺遷客特依依
遠水欲無際孤舟曾未歸
亂峰藏好處幽鷺得聞飛
多少天真趣遙心結翠微

湖上晚歸寄詩友

宋 陳師道

髭鬚難藏老湖山穩寄身却尋方外士招作社中人霜
葉深於染秋花晚自春無人還有礙詩卷莫辭頻

將之苕溪戲作呈諸友

宋 米芾

松竹留因夏溪山去為秋久賡白雪咏更度采菱謳縷
玉鱸堆紫團金橘滿洲水宮無限景載與謝公游

半載依脩竹三時看好花懶傾惠泉酒點盡壑源茶主
席多同好羣峰伴不譁朝來還蠹簡便起故巢嗟

登招寶山

宋 陳造

一鷺風烟上三韓指點中地隨山共盡天與水無窮夢
蟻分軒冕騎魚可閤蓬仙曹應拍掌顧我簿書叢

鑑湖夜泛

宋 陳與義

明月到尊前擘舟古岼邊亂山斜入霧遠水倒垂天酒
氣薰魚戲歌聲弄鶴眠回頭唾李郭此外更無仙

泊桐廬分水港

宋 王十朋

何處繫歸舟桐廬舊日遊港從分水出亭瞰合江流壘

嶂雲披絮遙天月吐鉤紛紛釣魚者無復見羊裘

登清風樓呈通判宋子飛

宋王十朋

茗雪水會處樓高風快哉洲中白蘋動天半故人來穆
入周臣頌雄勝楚客臺飄飄玉川子乘興上蓬萊

過臨平

宋汪藻

一別九霄路風烟長滿衣已成身老大無復世輕肥天
濶鳥雙下山寒人獨歸曉來何似雨春水半巖扉

睡起涼生岼鉤簾坐小窗麥風能起枕梅雨不鳴江往

事心長折歸途影自雙依然蒲柳地人老故先降

白沙買船晚至嚴州

宋 楊萬里

重霧疑朝雨斜陽竟晚晴萬山江外盡一壩嶺尖明身
小寧嫌窄途長已倦行子陵臺下水未酌意先清

舟過桐廬

宋 楊萬里

瀟灑桐廬縣寒江繚一灣朱樓隔綠柳白塔映青山稚
子排窗出舟人買菜還峰迴好亭子不得一躋攀

後面山無數南頭柳更多人家逼江岼屋柱入滄波老

去頻經此重來更幾何
牛山動悲感曾侍板輿過

浙東舟中

宋 范成大

處處槿樊園家家桃廡門
魚蝦臨水市烟火隔江村
雨過張帆重潮來汲井渾
鸞跼短篷底休說兩朱旂

渡錢塘

宋 高翥

小立晴江上潮生落照邊
晚風低映水春草暗迷烟
燕子飛官驛鷗羣引客船
關情南浦別相對獨依然

登招寶山

宋 陳允平

宇宙初開闢何神立此山中流天柱石大地海門關浪
惡蛟龍怒雲深虎豹閒潮期與日月千古一循環

玉泉

宋施樞

水蹟無增減從知地有靈羣魚潛異窟一芥納滄溟濟
隱新留咏起師日講經聖時調玉燭龍睡不須醒

天童寺

宋薛嵒

佛界似仙居樓臺出翠微浙中山水最海內衲僧歸草
樹有真意禽魚盡息機禪房無別事唯見白雲飛

雪川次韻鶴田

宋張蘊

茗雪雙流合帆檣萬里通連山黃獨雪一雁白蘋風酒
戶春醅淺魚村晚市同舊游蕉鹿外未老已成翁

桐廬道中

宋姚鏞

兩岍山如簇中流鑠翠微風颿逆水上江鶴背人飛野
廟青楓樹人家白板扉嚴陵臺下過不敢浣塵衣

桐栢觀

宋趙師秀

山深地忽平縹緲見珠庭瀑近春風濕松多曉日青石

壇遺鶴羽粉壁剝龍形道士王靈寶輕強滿百齡

雁蕩寶冠寺

宋趙師秀

行向石欄立清寒不可云流來橋下水半是洞中雲欲
住逢年盡因吟過夜分蕩陰當絕頂一雁未曾聞

嚴州瀟灑亭

宋趙師秀

高榭出禪關人家向下看千峰春隔霧數里夜聞灘偶
至因成宿前遊亦值寒州人多有詠何不見方干

林逋墓下

宋趙師秀

梅花千樹白不是舊時村
傾我酌來酒酌君仙去魂短
槐藤倚蔓空塚竹行根
猶有歸來鶴清時欲與論

能行寺

宋翁卷

芙蓉峰入天寺與此峰連
得見是冬月要來從昔年
寒潭盛塔影古木帶厨烟
偶值高僧在禪林坐默然

處州蒼頡

宋翁卷

步步躡飛雲初疑夢裏身
村雞數聲遠山舍幾家隣
不雨溪長急非春樹亦新
自從開此頡便有客行人

送人遊天台

宋翁卷

暫遊行李少幾日到天台
船帶落潮發月從前浦來
花源香不斷藥地綠成堆
莫學他劉阮經年忘却迴

贈江心寺欽上人

宋徐照

客至啟幽戶筍鞋行曲廊
潮侵坐禪石雨潤讀經香
古硯傳人遠新篁過塔長
城中如火熱此地獨清涼

石門瀑布

宋徐照

一派從天下曾經李白看
千年流不盡六月地常寒
灑

木跳微沫衝崖作怒湍人言深碧處常有老龍蟠

題衢州石壁寺

宋

徐照

岼石橫生脉平林一里溪衆船寒渡集高寺遠山齋殘
磬吹風斷眠禽壓竹低自嫌昏黑至難認壁間題

壽昌道中

宋

徐照

碣宇芙蓉驛喜行行不難路侵滄海過人得異山看圓
石蠔黏滿平途鷺立寒一遊期一月回日必冬殘

題石門洞

宋

徐璣

瀑水東南冠廬山未足論飛來長似雨流處不知源洞
裏龍為宅溪邊石作門脩行謝康樂菴有故基存

馮公嶺

宋
劉宰

地隘山逾峻人勤俗不奢時培石上土更種竹間茶接
畛田成篆連筒水濺花征塵如不到老我即東家

自武陵還家由剡中

宋
戴昺

一筇雙不借役役又東還野渡淺深水夕陽高下山光
陰虛我老造物靳人間高躅思吾祖鳴琴獨閉關

舟次嚴陵

宋方岳

與雁分洲宿連雲做夢清江風花事老野雨客心驚潮
急仍吞瀨更寒不過城子陵吾所趨蓑外底須名

餘杭道上

宋鄭震

五年茲路上頻往又頻還歲月孤松老風霜苦竹斑溪
流天目水雲出洞霄山馬上因閒眺蜉蝣宇宙間

山陰道中呈鄭正樸翁

宋謝翱

楊柳遠天色野風來水涯異鄉同夢客今雨故人家越

樹夜啼鳥禹陵冬落花悠悠江海意為爾鬢先華

別子靜却送之雪

宋謝翱

獨往知吾事語離何所求故家無別業殘夢下扁舟積
葉吳宮冷吟猿顧渚秋那能不相待羈旅負清遊

宿台州城外

宋林景熙

荒驛丹丘路秋高酒易醒霜增孤月白江截亂峰青旅
雁如曾識哀猿不可聽到家追此夕三十學郵亭

宿七里灘

宋林景熙

寥落空江上買魚開酒尊
亂山含雪意孤艇寄楓根
灘近不成夢鴻飛欲斷魂
偶呼黃帽語一犬吠前村

渡江之越宿蕭山縣

宋

真山民

昨夜大江舟今宵小驛樓
隻身千里客孤枕一燈秋
市酒難成醉鄉書莫寄愁
胸中無史記浪作會稽遊

宿寶勝寺

宋

真山民

苦吟吟未了只向兩廊行
月出塔無影風來鐸有聲
塵心隨水淨佛眼共燈明
安得雲邊住與僧分此情

奉別鄂爾和東泉學士遊甌越

元虞集

憶昔同經幄春明下玉除
挂冠俄去國連舸總盛書
筍脯嘗紅稻蕝美斫白魚
莫言江海遠咫尺玉堂廬

題石門淨勝寺

元黃潛

千頃蒼陂上山迴地勢偏
屋棲黃面老碑挂赤烏年
葉葉風荷颭層層雪瀑懸
青燈夜寥闌獨照一僧禪

初至寧海二首

元黃潛

地至東南盡城孤邑屢遷行
山雲作路累石海為田
蜃

炭村村白椶林樹樹圓桃源名更美何處有神仙
縹緲蛟龍宅風雷隔杳冥人家多面水島嶼若浮萍煮
海鹽烟黑淘沙鐵氣腥停驂方問俗漁唱起前汀

八詠樓

元黃潛

懷古荒碑在登樓晚望賒秋陰垂野薄江勢抱城斜天
地悲遊子冰霜感歲華紅塵吹裋褐歸興及清笳

大滌山道士

元宋无

童顏幾寒暑編葉當衣裳琴古面無漆柏枯身有香樹

精為老僕石髓作乾糧不語坐松下天風吹髮涼

餘杭四月

元 白 珽

四月餘杭道一晴生意繁朱櫻青豆酒綠草白鵝村水
滿船頭滑風輕袖影翻幾家蠶事動寂寂畫門關

建德溪行

元 鮮于樞

山截溪將斷川迴路忽通鳥聲青嶂裏人語翠微中元
圃參差是桃源想像同平生苦行役翻愛打頭風

過鏡湖

元 陳 孚

鏡水八百里水光如鏡明偶尋古寺坐便有清風生天
濶雁一點山空猿數聲老僧作茗供笑下孤舟輕

越上早行

元 陳孚

青溪三十里草露惹衣斑潮落曹娥渡雲昏夏禹山秋
聲黃葉裏天影白鷗間欲問錢塘路漁家半掩關

天台道上聞天香

元 李孝光

八月天台路風清物物嘉晴虹生遠樹過雁帶平沙日
氣常蒸稻天香喜釀花門前五株柳定是故人家

江心寺贈唐博士

元 李孝光

銀浪舞輕航天風赴石塘六鼇扶地勢萬象發天光樹
湧中流碧蓮生隔浦香潭龍莫深卧一雨九州涼

曉出錢塘門

元 成廷珪

出門聊適意草樹碧紛紛一雨破清曉四山生白雲僧
樓緣嶺出樵逕過橋分明月重攜酒來澆和靖墳

向年遊龍井過南天竺登二老亭曾賦二詩

元 成廷珪

二老題詩處風流不再逢
客歸紅葉雨僧住白蓮峰
誰謂山無鳳人傳井有龍
白頭江海上今夕寄行踪

過臨平

元 吳景奎

舟過臨平後青山一點無
大江吞兩浙平野入三吳
逆旅愁聞雁行庖只鱸
風帆如借便明日到姑蘇

舟次漁浦

元 金涓

雙溪東入浙終日坐危舟
流水遠明目小篷低壓頭
烟邨鴉入暮江國雁賓秋
一片淒涼景安排獨客愁

舟次嚴灘

元金涓

八月桐江曲青蘋未著花
亂雲低壓樹細水淺流沙
到郭無多路依山有幾家
故人成遠別相望各天涯

登吳山留題承天觀

元汪澤民

滿目盡樓臺路從山頂來
潮生沙岸沒雲破海門開
官舍籠鵝去道人騎鶴回
題詩向何處石壁掃蒼苔

清明遊包家山

元張翥

遠近紅千樹繁開奪豔霞
月明寒食雨春老上陽花
輦

路迷遊躅宮詞入夢華東風落麥浪回首野人家

赤城

元 貢師泰

山近雲連驛沙虛雪擁村瓠壺縣穀種土銜爨柴根凍
雀來依幔晨鷄立傍門客中甘澹泊不必問盤飧

東陽道中

元 黃鎮成

出谷蒼烟薄穿林白日斜岸崩迂客路木落見人家野
碓喧春水山橋枕淺沙前村烏桕熟疑是早梅花

保叔塔

元 錢惟善

金刹天開畫鐵檐
風語鈴野雲秋共白
江樹晚逾青鑿
屋巖藏雨黏崖石墜
星下看湖上客歌吹
正沉冥

湖寺擁碧軒

元張雨

喧寂一塵隔湖濱
出寶坊荷陰分
補衲水氣雜燒香
書
勘烏皮几茵敷白
氎牀從來已公屋
詩客許徜徉

宿睦州祖師菴

元厲英

菴依兜率寺小憩
俗心灰竹密暑不到
窗虛風自來山
昏飛鶴下磬斷
定僧回拂拭殘碑
看年深厚綠苔

送白雲之鄣

元 釋善住

澤國東南郡迢迢接會稽
人烟逢海斷山木與雲齋
夜汲分波月晨征候店雞
却愁孤錫返草暗竹房西

自武陵至丁郭舟中雜興二首

明 劉基

舟行淹宿雨稍霽泛通川
深霧羣山沒長天曠野連
桃開榆葉小麥秀菜花鮮
却喜昇平象高飛見紙鳶
晚來風勢歇又見日臨曛
遠岫留頰彩疎星耿薄雲
波流壁月動舟過鏡天分
何處危樓上歌聲靜夜聞

桐廬舟行

明 張 宣

自在眠沙鳥參差上瀨船
亂峰寒笛外疎雨暮鐘前
灘轉疑無路林深別有天
羊裘懷隱者高節已千年

石門待謝雪坡不至

明 張 宣

古戍人何在春程驛尚存
驅鷄啼上樹秣馬出前村
白雨侵江郭青山對石門
謝公遊宿處清興與誰論

約徐隱君幼文同隱吳興

明 張 羽

吳興好山水子我盍遷居
繞郭羣峰列回波一鏡如
甕

餘即宜稼樵罷亦堪漁結屋雲林下殘年好讀書

山陰曉發寄暨陽舊友

明張羽

水漲官河遠西風去擢輕四山猶暝色萬木盡秋聲村
近聞雞犬天寒憶弟兄故園歸未得漂泊若為情

永康道中

明張羽

石路多盤折秋陽尚鬱蒸矮牆低貼水老樹倒懸藤白
髮腰鑣叟緇衣頂笠僧村醪何處問更入亂雲層

丁酉五月六日吳善卿宴諸公越城外唐氏別墅

分得輕字

明王禕

亭館鑑湖曲，開軒水氣清。
戰袍當暑換，舞袖傍筵迎。
受雨枇杷熟，欺風翡翠輕。
盃行敢辭醉，不負主人情。

遊會稽山

明袁凱

山實揚州鎮，人踰浙水來。
禹功懸白日，秦刻卧蒼苔。
龍起梅梁去，神遊石洞開。
明朝有餘興，更上越王臺。

秋涇雨後

明貝瓊

地蟠吳會盡，天與海門通。
雨洗秦山碧，霜侵越樹紅。
居

人分絕島飛鳥度寒空極目情何限翻如入剡中

夜泊武塘

明 貝瓊

風帆如健馬一日過嘉興水鳥如相喚秋蚊尚可憎照
人明月近接地白河澄耿耿渾無寐中宵對玉繩

送僧恬歸靈隱

明 高啟

遊方應未久柳色變新年在路逢春雪還山訪冷泉鐘
催投寺錫燈照泊江船去意休多問無言即是禪

送烏程馮明府

明 高啟

青山若下南一騎入晴嵐
縣治琴聲古泉香酒味甘
竹攔春護鴨葦箔夏分蠶
大小馮君後傳家爾最堪

送僧之越

明 陳汝言

江柳絮濛濛游方入剡中
山藏神禹穴草長越王宮
線衲春沾雨蒲帆曉趁風
禪心已無碍去住本來同

崇德道中

明 張以寧

暖日菜花稠晴風來穗抽
客心雙去翼詩夢一扁舟
廢塔巢蒼鶴長波漾白鷗
吳山明日到惻愴十年遊

過龍游

明 張以寧

鷓首見龍游，羣山翠浪流。
陽波眠白犢，陰洞鎖蒼虬。
樹密雲藏屋，灘長石齧舟。
呼兒具樽酒，聽客說杭州。

遂安舟中

明 楊訓文

溪逕斜斜入，柴門側側開。
一牛臨水立，雙鴨避船迴。
病眼青山豁，歸心白髮催。
何因蕪浦上，野老共傳盃。

夜宿釣臺

明 藍智

水宿傍嚴灘，風燈語夜闌。
鼉鳴潮信早，龍過雨聲寒。
病

喜江山好貧嗟道路難何當脫塵鞅來此把魚竿

尋天台李道士齋

明周忱

瑤草迷行徑丹臺近赤城山川遙在望鷄犬不聞聲
谷靜松花落橋橫澗水鳴雲間雙鶴下疑聽紫鸞笙

西溪步歸

明周南老

溪南山曲折舍北水西東樵唱千村雨漁歌五兩風
犬憎移竹叟鶴避掃花童彷彿吾家近茅堂碧樹中

重遊金粟寺有作

明張寧

溪深通小艇，山峻露層臺。
林葉經霜盡，河冰近午開。
閒雲僧出定，舊雨客重來。
擾擾浮生路，經過知幾迴。

過桐君山

明張和

雲斷山疑合，川迴路忽分。
秋聲兩岬葉，曉色萬峰雲。
孤雁衝帆度，寒蟬隔水聞。
嚴陵遺蹟在，我欲問桐君。

九日稽山懷古

明王誼

山水自如昨，古人今復誰。
雲烟謝家墅，松栢禹陵祠。
聖代身全老，秋天景易悲。
無將搖落意，相對菊花枝。

三竺道中

明 邵寶

人行松逕靜數里不知遙路轉還逢寺僧迎只過橋巖
姿收獨妙泉響息羣囂東去頻回首山花自我邀

靈隱寺

明 朱樸

合澗橋頭水飛來洞口山烏盤蒼壁影僧掩翠微闌松
露晝還滴巖花秋更斑一年嘗一到一到一忘還

秋晚由震澤松陵入嘉禾道中作

明 祝允明

湖尾橫波急船頭轉港頻幾家危傍水一木老存身黃

菊看如客青山坐送人空舟隨處泊不用擇行隣

新昌縣曉行

明 鄭善夫

暝發新昌縣晨臨赤土隈
秋花隨地有渚雁與雲來
雜樹炊烟出前程山照迴
忽聞歌伐木行路興悠哉

宿泊富陽

明 毛伯溫

秋夜江風急樓船水月明
汀舟散漁火烟樹隱山城
雁逐星河沒蟲依草岬鳴
鄉心愁欲絕何處擣衣聲

登吳山

明 程誥

蘿磴凌晨上松門倚杖過風烟覽吳越表裏見江湖水
遠雲俱白峰高日易晡賞心延縱目邂逅比山隅

憶鑑湖友

明
王守仁

長見人來說扁舟每獨遊春風梅市晚月色鑑湖秋空
有烟林好猶為塵世留自今當勇往先與報江鷗

過菱湖

明
趙金

去去餘不路遨遊一問津村孤船作市地絕水為隣菱
藕官租足魚蝦野饌新衆山遙映帶相對碧嶙峋

夜泊錢塘

明
茅坤

江行日已暮何處可維舟
樹裏孤燈雨風前一雁秋
離心迸落葉鄉夢入寒流
酒市那從問微吟寄短愁

三衢道中

明
皇甫汈

山居無別業民俗半為農
樹杪開山閣溪灣置水舂
採薪朝候艇乞火夜聞鐘
歲晏收盧橘猶堪比戶封

還浙夜泊江口

明
陳束

越嶂宜春望江帆入夜乘潮移
諸島出雲卷數峰層近

郭翻多戀還家獨未能北堂今夕夢先已度西興

靈隱寺

明周詩

靈隱何年寺青山向北開澗流元不斷峰石自飛來竹
覆空王苑花藏大士臺冥探有元度莫遣夕陽催

泊鴛鴦湖遲友不至

明馮臯謨

野客饒春興輕舟坐夕曛湖光天下上暮色水氤氳
鼓連城動漁歌隔岫聞參差吹未已佇立望夫君

題峴山濟公房

明蔡汝楠

禪榻澄湖上山光似鏡中疎鐘搖落葉細雨帶秋蟲峰
竹虛窻映爐香別院通何期碧雲合一酌對休公

自嚴灘至新安途中紀興

明 胡應麟

一灘高一丈灘盡到天都疊嶂雲飛動陰厓日有無辛
夷殘紫落躑躅亂紅敷獨步行雲廟分明入峽圖

入桐江

明 徐中行

奔流千折下峭壁兩厓分樵徑衝江雨漁舟宿嶺雲布
帆林杪見水碓月中聞獨有披裘客千秋不可羣

桐江夜泊

明 吳擴

繫舟人語靜，纖月映江波。
木葉秋交下，山烟晚更多。
隔雲孤磬杳，照水一螢過。
漁子閒相狎，中宵發浩歌。

登上天竺閣

明 姜龍

欹閣倚危巔，疎鐘破暝烟。
澗迴遙帶合，峰抱翠濤連。
無復容塵地，剛餘看月天。
想應風雨夜，枯坐更通元。

紫陽菴丁真人祠

明 王穉登

丹壑斷人行，琪花洞裏生。
亂厓蕪地破，羣象逐峰成一。

石一雲氣無松無水聲
丁生化鶴處蛻骨不勝情

越中

明
沈明臣

樂遊何處好最愛越中山
人坐午溪寂鳥眠秋水間
雲橫獨樹上雨在數峰間
欲作蘇門嘯蒼茫不可攀

送張丞鱣赴睦下邑

明
沈明臣

君向嚴陵去雲移畫舫低
驛程疎雨外山色大江西
訟簡知花落官閒聽鳥啼
却忘身是吏隨意坐青溪

與客遊北山偶過普福寺尋葛洪丹井

明
李奎

古寺隨緣到雲霞
晚自閒僧房開竹裏
仙路入花間
斜日明秋水薄烟凝
暮山偶探勾漏跡
惆悵欲忘還

嚴先生祠

明
徐渭

碧水映何深
高蹤那可尋
不知天子貴
自識故人心
山靄消春雪
江風灑暮林
如聞流水引
誰聽伯牙琴

聚法師將往天台止其徒玉公菴中余為留信宿

明
徐渭

欲向天台去先為剡水尋
秋行萬山出夜宿一菴深
燕語調花氣猿啼帶講心
年年石梁興送爾益沉吟

人日峴山遣興

明 李應徵

人日人為客春風春可憐
烟波浮宅遠邱壑寄情偏
柏葉烏程酒椒盤下若鱗
如從習池飲醉卧峴山邊

送義公結廬天台

明 徐桂

海上樓禪境披雲訪石橋
一瓶依澗壑疎磬落山椒
華頂經年雪松門半夜潮
預愁支遁去誰與共逍遙

由桐廬經釣臺下作

明 朱國祚

藥草仙人錄星文釣容槎祠開高下屋江溜淺深沙綠
樹綿蠻鳥丹崖躑躅花誰歌竹如意懷古一長嗟

湖上

明 朱國祚

峰頭寶叔塔湖上水仙王芳草年年綠風荷岬岬香鞞
鞋拚細雨對酒易斜陽不計重門遠瓜皮上小航

西湖春遊詞

明 吳兆

堤暖百花齊湖春萬柳低管絃初沸日羅綺已空聞上

已連寒食車輪間馬啼遊人爭向處多在斷橋西
橋外倚當壚樓陰碧樹扶水筵移岼酌越女唱吳歛一
徑穿孤嶼重光帶兩湖匝波舟楫動處處起鷗鳧
晴光上柳條結伴戲花朝歌近舟沿岼人間馬度橋雷
峰看塔迴葛嶺弄泉遙日暮爭門入衣香滿路飄
遊路背湖分林陬復水瀆年傳秦代石人拜宋時墳塔
影雙峰見松聲九里聞不知天竺近香氣靄成雲

茗溪

明
王心一

細雨苔溪曲微風泛小航有園多種竹無屋不圍桑語
覺吳儂近流分震澤長烏巾春店近白酒熟盈觴

東湖雜詩

明

陳熙昌

乍浦瀛壖曲遙連蘆溼場迎船桑葉白繫纜菜花黃塔
影開初地鐘聲落上方孤城非鐵甕先事慎隄防

送齊越石守紹興

明

姚希孟

萬壑爭流處溪山屬剡東扁舟仍雪夜五馬自春風官
舍朝嵐滿人烟夕照同蓬萊讓仙吏安坐翠微中

泛西湖同清照彥叔觀公

明 吳鼎芳

新語報黃鸝
捎花坐柳枝
山晴意自好
湖晚醉相宜
風起水香處
月來烟滅時
同舟貪夜寂
移傍白公堤

和靖祠前晚坐

明 吳鼎芳

山翠出林杪
祠前芳杜洲
孤烟生後暝
雙鳥去邊秋
燈影參差水
歌聲遠近舟
梅花無復主
曾有暗香浮

釣臺懷古

明 鄭士奇

擇地逃新室
披裘對故人
星原占是客
帝豈得而臣
瀨

急迴潮信壇高費釣緡不知梅福女偕隱幾冬春

春曉歸雲菴留題

明 馮夢禎

細草迷巖路平田帶寺門春風遊客少宿鳥見人喧山
翠當虛坐花紅落小軒清幽愜所好况對道林言

嚴陵城下

明 江禹奠

背郭千村合中流一剝孤輕陰閣秋雨殘照落平蕪入
市魚蝦少歸舟雁鷺呼客囊任羞澁解珮問當壚

會稽道中少憩

明 屠本峻

鳥道紆迴入千巖綠樹低轉留空翠處少憩石橋西別
澗潺湲瀉叢林桑扈啼坐看鳧與鹿引子過前溪

錢清夜行

明

沈瑞徵

秋漲乘流好孤村夜泊稀漁榔過橋遠螢火傍舟微堤
沒聞爭渡涼生欲授衣夢歸懷土切山水願多違

過桐江

明

董份

薄暮棹歌聲看山不計程江晴船作市地僻縣無城蜃
氣連虹暗龍腥雜霧生釣臺猶可望緩楫未須行

山陰晚泊

明 李 垞

落日山陰道孤舟帶遠汀
秋林紅葉重夕浦黑風腥
客夢礎前斷漁歌鏡裏聽
來朝餘興在何處訪蘭亭

嚴州道中

明 陶汝鼎

曲江流不盡寒氣凜初嚴
野泊紛漁艇遙帆類酒帘
枯河冬雨活濕壁凍雲黏
不分多歸思蕭蕭與夢添

送友人遊天台

明 謝夢蓮

細雨蘼蕪綠扁舟渡若邪
春流飛竹箭暮靄隔桃花
佞

佛何妨酒遊仙莫問家倘憐人外癖分我赤城霞

建德道中

明
黃端伯

青天霜氣迴匹馬立平沙遠道風千里寒城月萬家亂
山盤徑險深樹引隄斜夙昔悲秋意偏於作客賒

十六夜湖上望月

明
魏璧

今夜西湖月仍同十五圓徘徊臨碧海依舊上青天何
處歌鐘起誰家珠箔懸玲瓏相望裏清嘯不成眠

嘉興道中

明
袁宏道

彌野桑成市排溪柳作衙
菜香齋吐甲樹煖欲蒸花天
色淡如卵江容滑似紗
酒帘青帶上三五聚村家

靈隱路上

明

袁宏道

柳縷時常窅花谿不斷飛
因尋澗底水忽過樹旁扉
面熟逢僧問心閒數客歸
沿流多石趾儘可作漁磯

天真書院陽明講學處

明

袁宏道

百尺頽牆在三千舊事聞
野花粘壁粉山鳥煽爐煨
江亦學之字田猶畫卦文
兒孫空滿眼誰與薦荒芹

西陵初晴

明 陳子龍

積雨閒愁滿新晴野望開潮平海門樹春到越王臺江
柳含烟細林花入照催物華欣有托盡日此徘徊

吳興

明 陳子龍

藹藹吳興郡輝輝震澤陰山川紛斷續浦溆淡浮沉
稻舂田足芙蓉秋嶼深南樓重懷古暇日此登臨
捲幔雙溪下清虛出畫圖人烟吹雁鷺城郭入菰蒲暮
靄平千嶂秋風落五湖羅衣汀草外何處採明珠

飛燕晝初長陌頭行採桑春風一垂手日暮尚攜筐
密繭溫如玉新綿白似霜何勞使君問無暇織流黃

雨暮過汀洲江深菡萏秋碧雲天際合青嶂鏡中收菰
米侵唇冷菱絲入腕柔更聞西塞下漁唱落輕舟

國朝

過南屏訪無生上人

吳偉業

謂此一公住偶來聞午鐘山容參雪嶠佛火隱雷
峰路細因留竹雲深好護松精廬人不到相對話

南宗

歲暮送穆苑先往桐廬二首

吳偉業

客中經過歲又上富春船
燭影欹寒枕江聲聽夜
眠石高孤岼迴雪重半帆偏
明日停橈處山城落
木天

知爾貪乘興衝寒蠟屐忙
鶴翻松磴雪猿守栗林
霜官醞移山榼仙棊響石房
嚴光如可作故態客
星狂

天台

黃周星

勝蹟天台路移情入杳冥亂泉秋後寺絕壁古時
亭榭葉岬多濕蓮花峰更青白雲吾語汝且向石

梁停

望天台

韓 田

望裏天台近羣峰秀幾重回看青嶂斷忽有白雲
封絕壁垂橋徑春泥陷虎蹤石橋今夜月應為照
長松

釣臺

周茂源

釣臺高百尺，縹緲客星寒。
天子平生意，幽人物外看。
千秋違漢臘，七里尚嚴灘。
解識滄洲趣，羊裘入夢難。

雨中泝富春江

周茂源

烟雨片帆開，凌空望釣臺。
龍湫穿石下，鳥道拂雲迴。
終古滄江色，千山木落哀。
同行驚旅鬢，吟眺獨徘徊。

禾中作

王士禎

江城還攜李望古一跡踰老寺裴休宅春沙范蠡
湖遠烟明渚鳥斜日冷檣烏太息東流水年年漫
綠蕪

送同年蔣大參之武林

王士禎

持節錢塘去金焦二月時江山南渡蹟風物表忠
碑河漕勞輸輓

朝廷仰度支到逢寒食後槐火試雙旗

蔣脩撰述天台之遊

王士禎

太史三茅隱朱顏薄世榮言尋沃洲路遙向赤霞
城語識寒山妙詩同太白清石梁橫地底今夜夢
經行

送劉宰之建德

王士禎

送者自崖返君真建德遊桐廬寂蕭琴水木况清
秋橘袖紛千樹漁商聚一洲新安江見底應見古
羊裘

送吳園次湖州太守

王士禎

六代吳興守常須第一流
君才如柳惲吟向白蘋洲
官閣臨苕雪人烟雜鷺鷗
誰言露寃客仍是五湖遊

送陳興公歸武康

王士禎

清絕苕南路歸帆望已遐
寒林孟郊井古屋沈戎
家天目羣峰合前溪一水斜
烟霞成獨往不羨曲江花

送許竹隱之紹興二首

王士禎

一櫂西陵去，名山入剡中。
放衙臨鑑水，行部逐樵風。
江渚鳶鳥集，蘇臺麋鹿空。
沼吳兼霸越，懷古意無窮。

蟬聲集深樹，驛路徧槐花。
黃鵠逝千里，浮雲天一涯。
鶯啼范蠡宅，草長謝敷家。
迢遞相思處，春風滿若耶。

苧蘿山

曾 畹

出郭尋芳草湖田近水濱居然浣紗石曾共浴吳
人苔上蛾眉月溪流舞袖春至今山下路猶帶綺
羅塵

嚴陵山

張英

千嶂桐廬道清風幾溯洄不知天子貴猶是故人
來垂釣本無意披裘亦浪猜翻嫌煩好事高築子
陵臺

遊息南屏寺

余懷

小雨催孤櫂湖南別有天幾家臨水住一塲倚山
懸聲出花邊磬香流樹杪泉絺衣渾欲冷高屐破
雲烟

常山道中

梁佩蘭

山氣鴻濛似雲光草樹開闢逐羣樵斧去報曉寺鐘
來鹿跡留乾葉霜痕漬古苔此間宜一憩登眺有
高臺

富陽縣

梁佩蘭

百里錢塘路清江入富陽人家還水曲山勢壓城
牆客思天同遠秋來柳漸黃望中風物滿楓葉更

含霜

桐廬縣

梁佩蘭

樹色重重隱桐廬人望勞遠山帆影曲爭石水聲
高沙嶼排漁斷田溝轉桔槔一羣鷗鷺立瀟灑刷
霜毛

蕭山道中

潘耒

溪小恰容舟舟平可漱流近人山色淡侵夜櫓聲
柔岼岼花欹屋村村樹拂樓都忘行驛路只作輞

川遊

登吳山過紫陽洞二首

宋 肇

名山今入手長嘯向孱顏城闕烟中出江湖杖底
環亭開瞻

瘖藻路轉得禪關吳越當年恨消沉磬響間

峯亦飛來號耽幽訪洞宮崎嶇藏結構曲折入冥

蒙遺像閒雲外疎花斷檻中
林鷄催客去馬首月如弓

湖舫觀荷驟雨復登孤山尋和靖放鶴處

曹爾堪

暑退風偏急波回晚漸涼
萬花荷影落三韭菜根香
龍雨疑遊戲鶯簧自短長
提壺期再泛綠蟻滿菰蔣

過烟霞嶺

張翥光

脩頰高無極登臨望漸賒
山頭榮桂樹洞口飯胡
麻短笛驚飛雁長歌動落鴉
淹留君莫問素志托
烟霞

壑菴訪姚望侯大尹

陸世楷

別業南山下清陰一徑濃
危橋斜渡澗曲磴冷穿
松小閣凭虛壁幽亭面遠峰
香臺原咫尺坐聽晚
堂鐘

蘭蕩

杜肇勳

一艇烟波外川原歷亂過僧歸山寺晚蟬噪夕陽
多積水浮城郭薰風拂芰荷滄浪吾有曲擊節為
君歌

叢山看梅

杜肇勳

不淺尋梅興因之冒雪過暗香浮玉樹寒色凍銀
河歲月盤根久風霜吐氣多山靈好呵護留勝訪
巖阿

禹陵

杜肇勳

振壑松濤滿鳴春谷鳥同山光青抱日林氣綠含
風金簡苔痕沒雕梁梅影空夕陽幽照裏樵背杜
鵲紅

半月泉用蘇公起句

嚴我斯

偶泛雙溪棹來遊半月泉野橋斜有路秋壑淨無
烟客到聽松處僧閒落照邊此中忘世味一坐一
冷然

重陽菴

嚴我斯

勝地吳山下招提近可尋
虛堂鳴夕磬高樹坐寒禽
瓢笠忘身世鶯花自古今
倚闌頻眺望愁絕大江陰

中秋日同稼書姪謁宣公祠於奉賢鄉宗人會宴

即事

陸 棻

俎豆斯文在宗支百世同
蒼虬元代樹鶴髮古稀翁
竹外香杭綠霜前帶草紅
良宵嘉宴永既醉月華中

會稽道中

陸棻

未識山陰道東偏出會稽山
山巒鬱秀岫岫水田
低畫艇烏篷小長堤石板齊
誰家遊冶子盡指若

耶西

蕭山道中

朱彝尊

古樹參差暗春禽旦暮鳴
東西關水市高下築山
城翠竹千家靜清江二月平
昔賢栖隱地巖壑有

同情

上巳後三日顧孝應之珽招同諸公泛舟西湖即

事分韻

朱彝尊

獨權花陰入重湖柳色交斷橋亭蓋瓦曲院水道
坳楚雀黃猶澁江蓮葉尚包

宸遊留翠墨車馬隘春郊

若耶溪

毛奇齡

春水綠紋斜行行度若耶樓頭吹柳絮溪口種荷
花翠袖方扶槳明粧出浣紗是誰騎馬去招我過

東家

題雲門道五松亭

毛奇齡

偃亞沓柯濃空亭倚衆松
山雲飛冉冉溪雨過重重
重紅羽巢孤鵲青天拔五龍
攔杆秦望起無復大夫封

葢山戒珠寺

毛奇齡

古殿倚嵯峨春風似永和
龍歸華藏遠僧把戒珠
多蕉巷看巢燕清池想浴鷺
前王曾採葢霸業近

如何

登春江第一樓

方士穎

憑高無剩覽，獨擅一江名。
隔樹空支塔，臨崖曲抱城。
潮生吳水濶，雨過越山平。
孰嗣南樓客，吟秋嘯

月明

舟上七里灘

方士穎

落日憑風駛，輕舟逐浪迴。
岫移村互出，帆轉岫爭開。
亂草參軍墓，寒松隱客臺。
名泉須品試，記此碧

灘隈

嚴州

查慎行

過城灘更急直下匯分流樹色銜雙塔山形豁一
州炭烟濃傍塢樵徑細通舟風日晴尤好初冬似
晚秋

送梅雪坪出宰秦順

查慎行

行作折腰翁吟邊憶謝公攜家千里近得芭萬山
中椒笋通閩賈魚鹽走海童流傳永嘉學亟望起

儒風

石梁觀瀑

朱倫瀚

片石憑虛架飛泉落半空穿雲垂匹練奔壑下長
虹響疾疑兼雨聲狂忽舞風却愁深夜裏雷電走
蛟宮

早發新昌

朱倫瀚

古邑寒烟外輕裝向晚征山圍四面郭水遶半邊
城村靜啼雞晏秋深落月明穿林緣石磴嵐霧拂

衣清

西溪雜興

釋山曉


野風吹歷歷兀坐意能通
澗響松濤急山鳴夜雨
空雲歸樵路外花落鳥聲中
春去知何處啼鶻血
正紅

早春張玉書宋壽谷見過湖上

釋本晝

雲起西湖路吾廬蹴水開
故人嫵俗縛雙騎出城
來春晝散微雪鄰家多
早梅彈琴徵古調何處可

登臺



浙江通志卷二百七十四